

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

## لا تشکیل تہ شفیع شوقنہ اکھ نظم

شفقت الطاف

تلخیص:

مابعد جدیدیتک یس بحث عالمی ادبکین کیشن پھن رسالن، کتابن تہ جریدن  
منز تا حال سپدتمہ ستر بدلیہ شاعر تہ ادبی تنقیدس متعلق سانی عقیدہ۔ یہ بحث چھ چھرا  
فلسفیانہ تہ ویک تام سپد اتھ نحس منز بیشتر ادبی نقاد سو دل شریک تہ مابعد  
جدیدیتکس فلسفیانہ موقفس تحت کرکھ ادبچ تہ شاعری ہنز قدر سنجی۔ مابعد جدیدیت چھنہ  
کاٹہ گنڈتھ ژو پرتھ فکری پروجیکٹ بلکہ چھ یہ فکرن ہند اکھ وشال سو دریتھ  
وجو دیت، پس ساختیات، مظہریت، و تارہخیت تہ لا تشکیل ہیو فلسفکو شعبہ وحالتہ  
گرتھ چھ۔ سون موضوع چھ فقط لا تشکیل تہ اتھو تناظرس منز یہ شفیع شوقنہ اکس  
معروف نظمہ ہنز لا تشکیلی پر نئے کرنہ۔

کلیدی الفاظ: مابعد جدیدیت، تنقیدس، جریدن، فلسفیانہ موقفس، وشال، مظہریت

لا تشکیل (Diconstruction) طریقے کارس وتھ گوڈ تمن فرانسسی لکھارن ہند بو اتھو دس یم

"Tel Quel"، گروپس ستر منسلک اسی۔ ووڈی گو و جاک درپدا سندہ  
"The Language of

"Criticism and the Science" ناو کہ مضمونہ ستر میج اتھ مفروض تقویت۔ یہ مضمون کوار درپداہن جان ہا پکینیز یونیورسٹی بلتی مور امریکا ہس منز ۱۹۶۶ عیسولیس منز پیش تہ ۱۹۶۷ عیسولیس منز آہ "Of Grammatology"، "Writing and Difference" تہ "Speech and Phenomena" ناوچہ ترے کتابہ آہ یکوٹہ منظر عامس پٹھ۔ یو وتریو کتابو کوری ساختیاتس متعلق پڑا نی ساری نظریہ رد۔ یم ساختیاتکو بانہ اوتام انسانہ سندر رڈر کوزا من اسرتم ہینن وونی بگر کی باسز۔ افلاطونس پتہ تلو گوڈنچہ لہ درپداہن مغربی فلسفہ کین مفروضن پٹھ تہ تھی ہیو سوال۔ درپدا رورامہ پتہ تہ واریاہ کتابہ تہ مقالہ چھاپان تہ یم کتابن تہ مقالن منز چھہ تہ پنے نس نظریاہس مزید ویشنے تہ توشیق کر مہ۔ وونی کین چھہ درپدا سز حیثیت ا کس تڑھ نامور تہ مشہور حشی سز تیکو سندن ثلہ متن سوالن تہ مباحثن پٹھ باقی بحث کرنس پٹھ مجبو رچھ۔ درپداہن مانی مغربی مابعد الطبیعا تکو تصور "Logocentric" (ساکن) یعنی یا تہ پچ مرکزیت تہ لفظ مجبو دگی پٹھ ڈتھ۔ موجو دگی ہند تصور رچھ تہند کن یہ ز پڑتھ لفظ چھہ تکرہ "Phonocentric" یعنی صوت مرکزیتگ حصہ۔ درپداہن تلو ادبچ اہمیت، وچ خود کفالت، ذا تہند مرکز، قاری سندر مزاز تہ معنیج دملہ ہمل ہون معاملن پٹھ تہ بحث تیمیک نتیجہ یہ ڈا ووز ادبچہ سارے پڑانہ کیونہ روباہ ہون یو و نظریاتی تقاضوتہ اصولو مطابق نیہ سر کھر سپنہ۔ درپداہن چھہ لاشیل کہ حوالہ ادبی تنقیدس متعلق تیمہ آہ کتھ کر مہ۔

"I am not sure that deconstruction can function as a literary method as such. I am wary of the idea of methods of reading. The laws of reading are determined by that particular text that is being read. This does not mean that we should simply abandon our -selves to the text, or represent or repeat in a purely passive manner. It means that we must remain faithful, even if it implies a certain violence to the injunctions of the text. These injunctions

will differ from one text to the next so that one can not prescribe one general method or reading. In this sense deconstruction is not a method."

امہ بیانہ تلہ چھ ننان ز لا تشکیل چھنہ کانہہ بروٹہ وضع کرنہ آمت قاعد۔ لا تشکیلی بیانہ ہیکن متن ہنز و ہنہ مژ بیون بیون آستہ۔ جے۔ ہیلز ملرن مون لا تشکیلی طریقہ کار چھ متنی و ہنہ ہنہ ہند اکھ کارگرول یعن ے "Authentic Method of Interpretation"۔ لا تشکیلی فلسفہ چھنہ کنہ رنگہ تہ ادب پار یافنہ کار کس معنیس یا املس مرکزس نکاران۔ امہ فلسفہ کنہ چھ معنیس لا زمن پُن مقام تہ وقار۔ وونی گو و معنی چھنہ ساکن بلکہ چھ و قنکس محورس پٹھ بدتھ نوپنہ امکان و ہنہ دبخشان۔ امہ حوالہ چھ تیلہ متنی پھیر ہا و ہنہ صیت عیاں تہ تہ۔ پزرمون ز تخلیقی ادب چھ زندگی تہ اتھ ستر منسلک اجزا ہن ہند جائز مگر تنقیدی ادب چھ تخلیقی ادب مولہ اُنکون۔ لا تشکیلی فلسفہ کنہ چھ تنقید ادبی متنک ثانوی ماخذ۔ کنہ فن پارس یا ادب پارس ہیکنہ حتمی معنوی صورت آستہ۔ پڑتھ کانہہ پرن وول چھ پنہ بدون ساختیاتی فہم ادراک "Controlling Ideas" مطابقت فن پارچ و ہنہ ہنہ کران۔ تنقید کنہ "Text" یا تمکملہ باؤژ ہندس اصلس تام و اتنی و تھ ہموار۔ تھ فن پارس پٹھ یوتاہ تنقیدی مواد دستیاب آسہ تیوت پھانچلہ تھ متعلق پرن و اُلک سونچ۔ ادب پارس یا تنقیدس تنقید کنہ چھنہ کانہہ نا کار عمل۔ یہ چھ بجاہ ز تھ ادب پارس پٹھ پڑھاتہ متضاد تہ مختلف راہ بروٹہ کن تیوت جلد چھ پرن وول اتھ تخلیقہ یا ادب پارس اُنز مژ گڑھتھ پنڈ اکھ راعے قائم ہرکان کرتھ۔ ییلہ کانہہ ماہر ساختیات کنہ ادب پارک تجزیہ کر سہ چھ گوڈ ساختیاتی اعتبار اُنچ باگے بیمہ انمانہ ترتیب دوان۔ یہ چھارزمیہ کنہ بز میہ؟ بحر یا کنہ طنزیہ؟ المیہ کنہ طریبیہ؟ امہ قسمک فاصلہ چھ تہندس ذہن منر تیوتھ اکھ مرکز قائم کران یس فن پار اند پٹھ اُخرس تام مولہ نانس منر تہ ستر فکر پٹھ حاوی روزان چھ۔ وجہ چھ ز لا تشکیلی فلسفہ چھ معنیس بے دخل یا بے مرکز کر نیچ و کالت کران نتہ چھ امکان ز تھ تجر بہ ہیکنہ نہ موضوعاتی حد و دوسرہ پرتھ۔ رولان بارتھ، پولڈی

میں، رابرٹ کوئزر، گیس تہ نوبوکوف ہیورک لا تشکیل فلسفہ کو جماعتی چھنہ متنس بیان مانان بلکہ ساخت بیہمیک مطلب یہ چھ ز ادہب چھ دُنیا ہس نقل کرنہ بجایہ اچھ مختلف صورث ووتلاوان۔ درپداہن کریتھ فلسفیانہ تصورس تہ تچھ ز معنیس چھنہ کانہہ وجود۔ تہند کنز چھ جوہر، مثالیت یا دا خلیت محض اکھ بزم ”Signifier“ تہ ”Signified“ تصور ذہنس منز تھاوتھ کر درپداہن سوسیر ہندس ونس، کٹھ تہ اتھ نیسبت مؤئن نہ تہند نظریہ لگہار۔ تم ہووز یمن چھنہ پانہ وانز کانہہ رابطہ بلکہ چھ یمن دون درمیان افتراق تہ تضاد تون یس معنیس کثرتس ووپداوان چھ۔ درپداستد خیال چھ ز متنس منز ہیکہ نہ معنیچ نشاندہی کرنہ۔ تہ تکیا ز تنقیدی عملہ ہند آغاز چھ ساحتہ شکنی ستز سپدان تہ معنی چھ یاتہ روان یاتہ روٹہ گوشان۔

درپداہن چھنہ یہ کتھ اختصار سان باومہ:۔

"In language there are only differences with no positive terms"

شفیع شوقنہ ”وأل و ہان“ نظمہ ہنز لا تشکیلی پر نئے ستز ہیکہ امیک موضوعاتی مطالعہ کرنہ بجایہ امہ کس تعمیرس منز موجود لسانی تہ فکری تضاد (contradictions)، قول محال (paradoxes)، بدلاون (shifts)، ٹھہراون (breaks) علاو شعری کردار ہند انفرادی رویگ تہ پے کڈنہ تہ تھ۔ یہ نظم آیہ یکم اکتوبر ۱۹۷۵ء تخلیق کرنہ۔ لا تشکیلی مولہ انکون کنز چھنہ یہ نظم امہ کنز اہم تکیا ز امہ کس لسانی خدوکالس پس پرچھنہ بسیار پاسل معنہ ووپداونچ گنجائش موجود۔ نظمہ ہندس متنس منز گتھ متنوع مرکز (multeity centres) وئی راونہ ستی ہیکہ یہنز لسانی نامطابقت عیاں سپد تھ۔ ”وأل و ہان“ نظم چھنہ ہیر یون متضاد شبہ ہو، وثنیو تہ قول محال ستز ووتھ۔ نظمہ ہند امہ دا خلی تہ خارجی متضاد صورت حالہ ستز چھ امیک بے پڑھ تہ بے ثبات (slipperiness) ہاون بل تون۔ نظمہ ہند یمن ظاہری علامتن، استعارن تہ

پیکرن پٹھ ہیکہ نہ ہرگز تہ لاشکیلی ویشے سپد تھ تلیا زامہ نظر بہکو نقاد چھ نظمہ ہنز بالائی کیو پوشیدہ سطح تڑ  
 رآو تھے امہ کس ہیتی تسلسلس منز بدلاوچن تہ ٹھہراوچن کفیشن درشاوان۔ نظمہ ہند گوڈنیک بند  
 چھ:-

تیزاب، تلہ پتڑ تیل، نُنہ ووزی، گمہ

پیہ کاڑی ہن گدو دن ہند رس

رگن منز موٹ تہ سیاہ موربہ

نظمہ ہندری باوکن چھ پُن مُشاہد تہ پنڈ ذات پکہ وٹہ مختصر شہنہن منز و مرآ و مرآ مگر یہ شہنہی نظام  
 چھ بیک وق تمہ شناخت پزیر (recognizable) سماج صورت نقشاوان۔ ہتھ منز آس لسان لسان چھ۔ مگر  
 لاشکیلی فکر کنی چھ یم ساریے لسانی حرکت علامتی تہ اشاراتی (symptomatic)۔ یم حرکت چھ نہ گنہ پاسہ  
 تہ سانہ اپنچ نمائندگی کران۔ ووں گو ویم حرکت چھ پُن اکھ منفرد دنیا کران قائم نیمہ نیمہ پیہ کہتی چھنہ۔  
 اکہ پاسہ تیزاب، تلہ پتڑ تیل، نُنہ وازی، گمہ تہ پیہ پاسہ گو دودن ہند رس، موٹ تہ سیاہ موربہ۔ یم  
 دوشوے پاس چھ اکھ ا کس ٹھولہ۔ تیزاب، تلہ پتڑ تیل، نُنہ ووزی، گمہ چھ نزل کشیف مواد تہ خاصیت  
 لحاظ چھ یم تیزی ہند تاثر ووتلاوان بیلہ زن رس تہ سیاہ موربہ شہل، زمل تہ پاک سیال چھ۔ ہپارڈ چھ  
 دوشونی پاسن ہندری اندر شہنہہ تہ پانہ وازی متوازی نیمہ کنی شعرن منز معنیاتی گنیر (semantic  
 density) پادگو مت چھ۔ تیزاب، تلہ پتڑ تیل، نُنہ ووزی، گمہ، رس تہ سیاہ موربہ چھ ژکہ اُبی تہ ہتھ  
 پاٹھ چھ ہندری معنیاتی سرحد نکھ تہ لفظن ہند امی نکھ نکھامی (juxtaposition) ستڑ چھ نظمہ ہند مرآ  
 (grain) یا اچ معنوی حقیقت مہم تہ مشکوک نیمیک نتیجہ یہ چھ ز نظمہ ہندری "signifiers" تہ

"signifieds" چھ اکھ اُکس بُتھ پھرتھ۔ دراصل چھ بیم شعر باوکھ ہندس مغلوب لاشعورس (repressed unconscious) منزبُستھ صورتِ حالک منظرپیش کران۔ بیاکھ کتھ چھئے یہ زینیلہ یمن لفظن ہند لغوی معنہ تلاش کرونیلہ یمن پھندک متعدد متراُدف اتھ۔ لہذا کتھ ہیکلہ نظمہ ہند متن، معنہ تہ ساخت فلشن ور اُے قایم بالذات اُستھ۔ لاشکلی نظریہ کئی چھنہ متن، معنہ تہ ساخت فلشن ور اُے پیہ کینہہ۔ نظمہ منز ووتلاونہ آمژن یمن سارنہ شپہن ہنز باوتھ چھئے تھامہ گڑھتھ سینٹھاہ کھری دار (labyrinthic)، چچید تہ فری پلے (free play) ہیو منظر نامک تاثر ووتلاوان۔ امہ حوالہ وُنی جے، ہلزمرن سینٹھہ اہم کتھ:-

"Deconstruction is not dismantling the structure of a text, but demonstration that it has already dismantled itself."

شہید مزار جاہ پٹھ ہر  
 واپھ برجستہ مگر کھہہ۔۔۔ سرنی تالاب  
 پارساری پشلی تہ کھسہ وُن بال  
 شہید مزارک برمجہ شہل چھاؤن پیڑھوتن!

نظمہ ہندس دویمس بندس منز چھ بیان ہند پھیر بدل نون تہ ٹاکار۔ اُتی شہید مزار جاہ ہر، اُتی واپھ برجستہ، اُتی کھہہ سرنی تالاب، اُتی پارساری، اُتی کھسہ وُن بال تہ اُتی شہید مزارک برمجہ شہل۔ باوڑ ہندس اتھ غیر مستقل روئس ہیگو اُست نظمہ ہند (Althetic Reversal) یعنی معنہ پتڑ گڑھن ناوڑتھ۔ شاعرن چھئے پتڑ کوز بانہ ہند نور تہ نیرل شپہن، علامژن تہ استعارن ہند ذریعہ اکھ عام انسانی تجربہ

بڑو نہہ گن انچ کوشش کر مڑ مگر اُمری صورت حالن چھ تھ پائھی شعری کردار سُنڈ ذہن آورو مُت زِلش چھنہ  
امہ نشہ موکجا رچ بظاً ہر کا نہہ و تھ اتھ یوان۔ ”شہید مزارک بڑ مچ شہل چھاؤن بیڑھگ تن!“ چھ امہ بندک  
لمحائی شعری جملہ (Momentous Phrase) یس متنوع معنوی مظہرن عیاں کران چھ۔ نظمہ ہند شعری  
کردار یا باوکھ چھ و چھن وول (Observer) تہ اُمر سُنڈ بیانہ تلک چھ نظمہ ہند سورے منظر دید مان  
یوان۔ شہید مزارس پٹھ پتہ سپدان چھ باوکھ چھ پانہ تہ تمیک حصہ۔ شہید مزارک نیایے چھنہ کا نہہ  
انفرا دی مسلہ بلکہ چھ یہ نیایے تیتھ علامت بٹھ و وتلیو مُت یس یو معانیل محورن اُنڈر اُنڈر نوتھ بسیار  
پاسل معنیں ہند اِمرکان گاشراوان چھ۔ زیر بحث بندک تکرار رک (Repetitive) ساخت چھ یہ ہاوان ز  
باوکھ چھ شہید مزارس پٹھ کز یہ کس آو لنس منز پٹھ ہینہ اُمٹ۔ شہید مزارچہ ہر پٹھ شہید مزارک بڑ مچ  
شہل چھاؤن تام چھ شعری کردار تنازوتہ تضاد و آورو مُت۔ اُتھی فکری تہ نفسیاتی کشاکشی ہندس عالمس  
منز ہینہ پنس وون درپدا ہن "Aporia"۔ مذکور شعرو ہند یو مُتضاد شبیہ ورا اے چھنہ نظمہ ہنز ساختیاتی  
عمل ممکن۔ اکہ طرفہ واپھ برجستہ پیہ طرفہ کھہہ سرنی تالاب، اکہ طرفہ پار پشلی پیہ طرفہ بال کھہہ  
ون۔ یوہے دو گنیا رچھ امہ نظمہ ہند ساخت اندواتناوان۔ لاشکیلی تنقیدی فکر کز ہیکن یوہے مُتضاد قوتن  
یاوتنن ہند باہمی عملہ (Interaction) ستر ساخت شکنی ہند حد و حاطہ کرتھ۔ یوہے مُتضاد ووتنیو کز چھ نظمہ  
ہند منطقی چوکاٹھ پانی پانے پھٹھ و س پیوان۔

خیال، حرکت رُوس۔۔۔ حرکت تھر یہ رُوس

تھرے، صو رُوس۔۔۔ صو رُوس رُوس

شہید مزار تھو و کونہ اسہ زُکل زُکل مپنہ

امہ بندکین شعرن ہندس تسلسلس منزوقفہ تہ بدلاؤ کنی چھ باوکھ سندر روپہ، مزاج تہ و طہر غیر مستحکم تہ بے پڑھ۔ باوکھ سندریم سارینے کتھ چھہ مبہم، بے معنہ تہ کھرک دار۔ یتے یوت نہ بلکہ چھہ لسانی اعتبار یہند معنوی تسلسل (Semantic Progression) روٹہ گو مت۔ حرکت روس خیال، تھر یہ روس حرکت، صوڑ روس تھرے، رڑ تھر نہ روس صورت، شہید مزار تھو و کو نہ اسہ ژکل ژکل مہنتھ۔ یمین مبہم ترکیبن چھہ نہ کا نہہ مخصوص ڈانچہ یمہ کنی یہنز کا نہہ مخصوص پر نے کر نی ناممکن چھہ۔ لاشکلی تقیدی نظریہ کنی ہیگوانہ انفرادی فقر ورتا ونہ ستر امہ نظمہ ہند مطالعہ کرتھ۔ نظمہ ہندک منظر چھہ وسیع تہ حد روس یمین اندر تھو تضاد، ٹھہراوتہ بدلاؤ تہ چھہ یمہ کنی پوٹس قاری ہندس مزاجس تہ متنہ کس معنیس درمیان غیر مستحکم رشتک احساس ووتلان چھہ۔

کتابیات:

دریدا، جیک۔ (1967)۔ آف گرایٹا لوجی۔ جان ہاپکنس یونیورسٹی پریس

دریدا، جیک۔ (2016)۔ جیکس دریدا۔ بلومس بری اکیڈمک، یو کے